

KOMMUNEQARFIK SERMERSOOQ  
SANARFINERMUT AVATANGIISINULLU INGERLATSIVIK  
POSTBOKS 1005  
3900 NUUK  
[PLAN@SERMERSOOQ.GL](mailto:PLAN@SERMERSOOQ.GL)

Haluu.

Ataani atsiortup matumuuna siunnersuut Kommunimut pilersaarummut tapiliusseq 1A5-2, Tuapannguit, Nuuk pillugu naammagittaalliuteqarpoq.

Ataani atsiortup illu pigisaaq B-94, Tuapannguit 66, ulloq 30. decembari 2011 aallarnerfigalugu pigilerpaa, taamanikkumiilli allaffeqarnermut inuussutissarsiorniarlunilu siunertamut akuersissummik piginnittut nikinnera ilanngullugu peqarluni, aamma sanilerisanit Kommunimiillu naammagittaalliorqaranilu akornusersuisoqanngilaq taamanikkumiilli ulloq manna tikillugu.

Aamma illu pigisarput sumiiffimmi pilersaarutitut pioreersutut ingerlaannassaaq akuersissullu 2011-miilli pisimasarput.

Immikkoortumi arlallit allaffittut inuussutissarsiornermillu siunertatut ajornaquteqanngitsumik naleqqussakkamillu ingerlanneqarput.

Ataani atsiortup siunnersuutigaa Kommunimut pilersaarummut tapiliusseq 1A5-2-mut siunnersuummi immikkoortumi pisiniarfimmik ingerlatsisoqannginnissaanut allanngortinneqassasoq.

Kommune allanik apeqqutissaqarpat imaluunniit itisileeqqusippat, ataani atsiortumut saaffiginnissuteqarsinnaavoq.

in.in.

Anguterak

--

**- Sanaassat –**

Sanaassat Ejendomme ApS  
Angutêrak Lyberth  
Postboks 787  
3900 Nuuk  
mobil: 299 556515  
tlf./fax: 299 314880  
[sanaassat@gmail.com](mailto:sanaassat@gmail.com)  
[sanaassat@mail.com](mailto:sanaassat@mail.com)

Michael Munch  
Tuapannguit 30 / B-490  
3900 Nuuk

Kommuneqarfik  
Sermersooq, Sanarfinermut  
Avatangjisinullu  
Ingerlatsivik, Postboks 1005  
3900 Nuuk

Nuuk, ulloq 04.06.2020

**Kommunip pilersaarutaanut tapiliussaq 1A5-2, Tuapannguit, Nuuk, pillugu tusarniaanermut akissut.**

Qulaani tusarniaaneq pineqartoq pillugu imaattunik akissuteqartoqassaaq.

Kommunimut pilersaarummut tapiliussaq saqqummiunneqartoq, immikkoortumi kingusinnerusukkut sanaartornissamut aamma illumik allannguinnissamut ilasisinnaanermilluunniit arlalitsigut killiliisuusaaq.

Immikkoortumi illuuteqartuusugut, kommunip kissaataanik ilisimasaqarpugut; tassalu immikkoortup oqaluttuarisaanikkut naleqartinneqarneranik mianerinnittuunissaq aamma immikkoortup ataqatigiissumik ineriartortinneqarnissaanik qulakkeerinninnissaq. Nutaamik pilersaarusiortoqarnissaanik pisariaqartitsisoqarnera ilaatigut isumaqatigisinnaavarput, kisianni kommunimut pilersaarummut tapiliussami immikkoortup ineriartorteqqinneqarnissaanut killissaritinneqartut isumaqarluinnarpugut sukangavallaartut.

Kommunimut pilersaarummut tapiliussap nassuiaatitaani, immikkoortup oqaluttuarisaanermut naleqarnera tiguartinnartumik oqaluttuarineqarpoq, ilaatigut Nuutoqqamut tunuliaqutaasussatut oqaatigineqarluni. Uani piffissap ingerlanerani illoqarfiup ilaata ineriartortinneqarnissaanut ilaatigut takussutissat nr. 9-11 innersuussutigineqarput. Aaqqissuussaasumik assigiiaartumillu ineriartortitsineq, illut qummut killingi illullu isui sinerissamut sammitinneqartut. Takussutissanit aamma ullumikkut immikkoortup assigiinngiarnerusumik aamma illut assigiinngiartumik illuliortaaseqarluni sananeqartut ersersinneqarput.

Tunngaviusumik isumaqarpugut immikkoortoq ullumikkut isikkumisut kusanassuseqartuusooq, illoqarfiup immikkoortua assigiinngiiaartunik illuliortaaseqarluni assigiinngitsorpassuarnillu illoqarfik Kalaallit Nunaanni illoqarfinnut ilisarnarluinnartunik. Ajornartorsiutaasooq anginerpaaq tassaasorinarpoq illoqarfiup ilaani tassani pisiniarfeeqqap eqqaani pisartut, Den Lille Købmand (B-2083). Pisiniarfimmut tassunga qaninnerpaatut sanilerisatut taassuma sulii piunera assut ernumanartuuvoq, pingaartumik unnuklut kingusissuklut unnuakkullu pisartut pillugit. Taamaattumik nuannaarutigaarput paasigatsigu Kommuneqarfik Sermersuup ajornartorsiut taanna pimoorummagu, ersarissumik oqarluni immikkoortumi tassani pisiniarfeqarnissaa inerteqqutaassasooq. Neriutigivarput Kommuneqarfik Sermersooq pisiniarfiup matuneqarnissaa pillugu ilungersuuteqaannassasooq illoqarfiup ilaani tassani najugalinnut nuannaarutaasumik.

Kommunimut pilersaarummut tapiliussami illup qanoq iluseqartinneqarnissaa pillugu aalajangersimaqqissaartunik aalajangersagaqarpoq; soorlu illup qaavata qanoq iluseqartinneqarnissaa, aamma toqqaviup qanoq portussuseqartinneqarnissaa il.il. Pilersaarummut tapiliussami aamma illup igalaavisa qanoq inissinneqarsimanissaat allaat aalajangersaavigineqarput, soorlu igalaat kipparissuaqqanik igalaavarartalersukkat assigisaallu pillugit. Isumaqarpugut aalajangersagarpasuit immikkuualuttunullu aalajangersakkat pissutigalugit illutsinnik annikitsumilluunniit iluarsiniarnissarput ajornarluinnalissasooq.

Ukiut arlallit ingerlanerini illorput aserfallatsaaliortuuarput nutartertarlugulu. 2016-imilu nunaminertamik aamma atugassinneqarpugut ilassutissamut pilersaarutaasumut atatillugu. Taamanikkulli nunaminertamik atugassinneqarnerput ajoraluartumik atunngitsoorparput, tamatumali illutta allilernissaanik kissaateqarnerput allanngortinngilaa.

Qaammatit kingullit 6-7 miss. nunaminertaq uagutsinnut atugassiissutigineqartoq §32 peqqutigalugu inerteqquteqarfigineqarpoq, tamanna uagutsinnut nutaamik suliniutissatsinnik nassiussinissamut ajornartorsiortitsivoq. Taarsiullugu suliniut nutaaq aallartipparput, anginerusumik allanngortitaluta, illorput atorluarnerusinnaanngorlugulu nutaaliaralugulu. Taamaattumik uagutsinnut uggornartorujussuuvoq sanaartornissamik pilersaaruterput taamaatiinnartariaqassapat.

Tassunga atatillugu tusarniaassummut akissuteqarnitsinni suliniutitut pilersaarutitsinnut nunaminertamik qinnuteqarnissatsinnik pilersaarpuq. Suliniutitta titartagartaatigut takuneqarsinnaasutut isumaqaratta, illup isikkuanik pitsaanerulersitsinissa angerlarsimaffittalu avatangiisitut naleqquttuunissaa takorloorparput. Allanngortiterinikkuttaaq illumini qulleq atorluarnerusunngortissavaa aammalu saniatigut inimik peqalissalluni.

Allanngortiterinissamik pilersaarutitta aammalu kommunimut pilersaarummut ilanngussaq sanilliukkaanni makkuninnga unamminiagassaqalerpugut:

1) Nunaminertami sanaartorfiusussami Tuapannguit 30 (B-490) allileriffissatut pilersaarutaagaluartoq illumut pioreersumut naleqqiullugu. Piviusumik imaassinnaagaluarpoq sanaartugaq silinnerulersillugu, illullu ilusaa (geometri) eqqarsaatigalugu takinerulersinnissaa pitsaanerussagaluarluni. Sanaartorfissamittaaq siusinnerusukkut nunaminertamik sanaartorfissamik agguaaassisimaneq eqqarsaatigineqanngilaq, tak. ilannguss. 2.

2) Qaliani aniinganerik/ igalasserfinnik ilannguss. 1-misut pilersitsinissaq ajornarpoq. Aalajangersakkat sukumiisut naapertorlugit, imm 18 qaliani aniinganerit illup qaliata taamaallaat 1/3-ssavai. Qaliani aneersuortarfilliinnissaq pilersinneqarsinnaanngilartaaq, ataa najugaqarfigineqassapat.

3) Siunnersuutigineqartutuut aniinganeq zink-iunissaa pisinnaanngilaq, sanaartugassaq/-ssat tamarmik qisummik sananeqassammata. Soorlu aamma qaliata qaava illugiimmik uingasumik sananeqartussaalluni (imm 16).

4) Igalaat inissisimanissaat qanattaligaanissaallu pillugit sukumiisumik aalajangersakkani (imm. 7, 8, 9) sanaartukkanut ataasiakkaanut atsikkutigiisitsinissaq pillugu nalilersorneqaaqqaassapput.

Pilersaarummut ilanngussamut iluarsiiissutissamik siunnersuutissaqarpugut:

Ad 1) Nunaminertaq sanaartorfissaq nalimmassarlugu, taamaasilluni sanaartugaq napparneqarsinnaanngorlugulu – minnerpaamik siusinnerusukkut nunaminertamik agguaaassisimanertut, pitsaassaarli ilannguss 1-p titartagartaatut.

Ad 2) Ilaanakortumik aalajangiusimaneqassaaq, Ingerlatsivilli oqaloqatigalugu allaanerusumik ilusilerneqassalluni, qaliatalu qaavata 1/3-ani anginerusunngorlugulu.

Ad 3) Siunnersuutigissavarput sanaartukkap ilaani annikitsualuit allanik atortoqarnissaat, ass zink, kobber assigisaaluunniit savimernit. Aammattaaq periarfissaasariaqarpoq qaliat qaavisa illugiimmik uingasuunnginnissaat, pissutsit ilaanni malunnaateqanngitsumik sanaartukkamut ilaatinneqarsinnaasunik.

Ad 4) Aalajangersakkat qasukkaavigineqartariaqarput, sanaartukkat pioreersut eqqarsaatigalugit ingerlatarinissaat ajornassaqisoq upperilluinnaratsigu.

Neriuppugut kissaatigisavut Kommuneqarfik Sermersuumit tigulluarneqassasut aammalu kommunimut pilersaarummut tapiliussap iluarsineqarnissaa pisariaqartoq iluarsineqarumaartoq. Pilersaarusiortariaqarneq akuerilluinnarparput assigiiaamillu tulluarsakkamik ineriartortitsineq – peqatigitilluguli Kommuneqarfik Sermersooq kajumissaarusupparput sumiiffimmi illunik piginnittuusut aalajangeeqataanissaannut tatigeqqullugit.

Tusarfiginissarsi qilanaaraarput.

**Inussiarnersumik  
inuulluaqqusillunga**

Michael Munch

Tuapanguit 30 / B-490

3900 Nuuk

Ilangussat ilanngunneqartut:

Ilangussaq 1: Siunnersuummik  
saqqummiussineq, Tuapanguit 30  
allanngortinnera.

Ilangussaq 2: Siusinnerusukkut  
nunaminertamik agguaassineq



Kommuneqarfik Sermersooq  
Illoqarfimmi inerisaaneq  
Kuussuaq 2  
Postboks 1005  
3900 Nuuk

Pineqartunut

**Kommunimut pilersaarummut tapiliussamut 1A5-2, Tuapannguit, Nuuk,  
siunnersuummut tusarniaanermut akissuteqaat**

20-05-2020  
Suliap nr.: 2020 - 7754  
Dok. nr. 13831841

Kommunimut pilersaarummut tapiliussamut 1A5-2 Tuapannguit, Nuuk,  
siunnersuut, piffissami 29.04.2020 aallarnerfigalugu aammalu 10.06.2020  
tikillugu ilanngullugulu tamanut ammasumik tusarniaassutigalugu  
saqqumitineqarsimasoq, IAN-ip, Ineqarnermut Attaveqaqatigiinnermullu  
Naalakkersuisoqarfiup tiguaa.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Kommunimut pilersaarummut tapiliussamut siunnersuummi  
aalajangersarneqarpoq immikkoortup ilaa 1A5 inissiaqarfiussasoq (A)  
pingaartumik ilaqutariit illuinik ataasiakkaanik aammalu illunik affarleriikkaanik  
ataasiakkaanik sanaartorfiususaaq. Siunnersuummi matumani sumiiffimmi  
pisiniarfimmik imaluunniit kioskimik ingerlatsisoqaqqusaanngilaq.

Immikkoortup ilaani illuliortaaseq aammalu illut angissusaat, pisoqqanit  
nutaanut ikaarsaartitsiviusoq, mianerineqassaaq. Sanaqqinneqarnerani  
nutaamilluunniit sanaartornermi illut aappaa affaanik quleriussapput. Nunataani  
sananeqarnissaa ajornanngippat naqqup ataani inimik atorineqarsinnaasumik  
sanasoqarnissaa akuerineqarsinnaavoq.

Sanaartorfissaaq ataaseq inissiamut pisortat pigisaannut sanaartorfissatut  
atugassanngortinneqarpoq. Tamatuma saniatigut illut pioreersut tamarmik  
eqqaanni sanaartorfissanik atugassanngortitsisoqarpoq, allilerinissamut  
imaluunniit isaterinissamut aammalu nutaanik sanaartornissamut  
periarfissiisoqarluni.

IAN, Ineqarnermut Attaveqaqatigiinnermullu Naalakkersuisoqarfik  
kommunimut pilersaarummut tapiliussamut siunnersuummut  
oqaaseqaatissaqanngilaq, kisianni inissiamut pisortanit pigineqartumut  
kommunip nassuiaassutaanik paasissutissinneqarusussinnaalluni.

Inissiaq pisortanit pigineqartoq suliffimmut atatillugu inissiatut  
naatsorsuutigineqarpa imaluunniit inissiaq meeqqamut inuusuttunullu  
sumiginnagaasunut najugaqaqatigiiffittut atorineqarsinnaava, taamaaliornermi  
annertunerusumik sumiginnaanissaq pitsaaliorneqarluni?

Inussiarnersumik inuulluaqqusillunga

Mati Frederiksen

Ineqarnermut Attaveqaqatigiinnermullu Naalakkersuisoqarfik

Toqq/direkte 34 52 59

mati@nanoq.gl

# **Kommunimut pilersaarummut tapiliussamut siunnersuummut 1A5-2-mut oqaaseqaat**

Kommunimut pilersaarummut tapiliussamut siunnersuut 1A5-2 qimerlooreerlugu ataani imaattunik siunnersuummut oqaaseqaateqarpunga:

- 1) Ilaatigut quppernemi 12, 19 aamma ilanngussaq 2-mi saqqummiunneqarput sanaartorfissat assigiinngitsut sisamaasut (A, B, C aamma D). Sanaffissartami ”Sanaartorfissaq A”-mi atuuppoq, ”allilerinissamut imaluunniit isaterinissamut aammalu nutaamik sananissamut” atugassatut aalajangiunneqarsinnaasut, kisiannili Sanaartorfissat B, C aamma D ”Isaterinissamut aammalu nutaamik sananissamut” atugassatut aalajangiunneqarsinnaasut allassimavoq.
  - Atuarnera malillugu isumaqarpoq Sanaartorfissat B, C aamma D pioreersuni allilerinissamut periarfissaqanngitsut aatsaallu pioreersut isaterneqarnerisigut allilerineq pisinnaassalluni. Taamaattoqarsimappat tamanna allannngortinneqartariaqartutut isigaara sanaartorfissanut tamanut imatut ilersillugu ”allilerineq imaluunniit isaterineq aammalu nutaaliarluni sanaartorneq”
- Tungavilersuut:
  - Uanga nammineq illuutiga, B-1357, sanaartorfissaqarpoq 10\*15 meterimik, pioreersorlu 8,6\*12,3 meteriummat kommune isatereqqaarnissannik piumasaqqaanngikkaluartoq nutaamillu sanaqqinnissaq pinngikkaluartoq, pioreersumik allilerinissannut periarfissaqartariaqaraluarpunga,
  - Illuutiga quleriunngilaq siunnersuullu malillugu qaliap uinganera 50°-mik allannngortissinnaavara 1 sal-ilu iniliaralugu. Maannali silissuseq 8,6 meteriutillugu tamanna imminut akilersinnaasutut isikkoqanngilaq kvadratmeterit atorneqarsinnaasut killeqassaqimmata. Inip alliup allilernissannut silissusermut 10 meterimut, sanaartorfissami illuutima inissisimaffiani akuerisaasumi, kvadratmeterinik 1. salimut atorluannissamut periarfissagissaarnerussaaq, pineqartumillu atorluannissamik kissaateqaraanni imminut akilersinnaanerussalluni. Tamannali imminut akilersinnaassanngilaq illu tamaat isateqqaassagukku silissusermik 10 meterilimmik allileralunga pissaguma.
  - Pioreersunik illunillu sulii atorsinnaasunik periarfissamik atorlualluni allilerisinnaanerigaluit (soorunami sanaartorfissatut aalajangiussat iluini) isaterinissamik piumasaqaatik akuerineqarsinnaanngillat imminullu akilersinnaanatik, tamanna kommunip piumasaqaatigissagaa takorloorsinnaanngilara.
  - Typit A-nik sisamaannarnik sanaartorfissaliisoqarsimavoq, illu pioreersaq isatinngikkaluarlugu alliliiffiusinnaasunik. Tamanna pillugu nammineerlunga illut pineqartut sisamat qanimut alakkartersimavakka, suna peqqutigalugu taakkoqqissaat kommunimut pilersaarummi tapiliussamut siunnersuummut iluatsitsisutut inissinneqarsimanersut paaserusullugu. Pineqartuni illut marluk ima ajortigaat allilerinissaq aatsaat pisinnaalluni illut pineqartut aatsaat isaterneqarpat, illu ataaseq aatsaat naammasseqqammerpoq, taamaalilluni kommunimut pilersaarummi tapiliussami illuuvooq nutaaq, illulu kingulleq isaterneqqaanngikkaluarluni allilerneqarsinnaasutut oqaatigineqarsinnaavoq inissisimaffianili sanaartorfissaq pineqartoq tamarmi atorneqareersimasutut isikkoqarpoq allilerisinnaanerlu killeqarluni. Taamaattumik illut pineqartut sisamat pillugit takusinnaanngilara sooq kommunimut pilersaarummi tapiliussamut siunnersuummi iluatsitsinerpaasutut inissinneqarsimanersut.

Kommunimut pilersaarummut tapiliussamut siunnersuut maannakkutut sanaartorfissanut agguataarneqarsimanerat malillugu akuerineqassappat, nassuiaanneqarnissara kissaatigaara sooq illuutit taakkua sisamat taama iluanaartinneqartigissanersut.

2) Ilanngussaq 2. Sanaartorfissatut siunnersuutaasut illullu pineqartut piviusorsioruunngillat.

- Ilanngussaq 2 malillugu illuutima B-1357-ip nalaani sanaartorfissaliisoqarsimavoq 10\*15 meterimik, assiliartallit malillugit sanaartorfissatut siunnersuut illuutigeriikkannut sanilliullugu annikitsuarsuuvuq takissusilerneqarneralu annikitsuarsuulluni. Nammineerlunga uuttortaanera naapertorlugu illora 8,6\*12,3 meteriuvoq taamaattumillu sanaartorfissatut titartugaq annikippallaarujussuarluni. Tamanna assiliartanik paasitinneqarsimanera naapertorlugu peqquteqarsimappat sanaartorfissat uuttortarneqarneri tassaassasut eqqortut ilanngussaq 2-mi titartorneqarsimasutut pinnagit tamanna erseqqissaatigineqartariaqarunaraluarpoq.

3) Qupperneq 20-imi "Sanaartukkap isikkua"-ni imm. 9-imi takuneqarsinnaavoq "Igalasserfiik arlariit uuttusersorneqarnermikkut imminnut malissapput, isikkummikkut quleriinnilersorneqarnermikkullu"

- Isumaqatigilluinnarpakka sapinngisaq tamaat igalaat matullu illugiissaarneqarlutik illup titarneri malittassagaat, tamannali illup ilusilersorneqarsimanera peqqutaalluni tamatigut pisinnaaneq ajormat isumaga malillugu saneqqunneqarsinnaanngitsutut piumasaaqataasariaqanngikkaluarpoq soorlu "-ssaaq"-mik nipiliinerup takutikkaa.

- Tunngavilersuut:

- Qaliap 50°-mut qaffannissaa kissaatigigukku 1. saali ineqarfittut atorluarniarlugu, taava ima paasisariaqarpa igalaat 1. saaliulersussamut ataani igalaanut atanilerneqassasut, soorlu tamanna figur 17-imi takuneqarsinnaasoq, tamanna ilumuussappat ajornakusuussaqaq piumasarineqarmat inini tamani igalaaliisoqarnissaa. Aaqqiissuteqarnissamut periarfissakka taamaalillutik annertuumik killilerneqarput periarfissaarutsingajavillunga.
- Ini alleq nutartissagaluarukku tassungalu atatillugu aaqqiissuteqarnissamut periarfissakka/ilusiliinissaralu allilerinngikkaluarlunga periarfissaqanngilaq igalaaliinissamut kiilerimiit maannamut igalaanut atalersinnissaat eqqarsaatigalugu (kiileri ineqarfittut atorneqanngilaq). Aaqqiissuteqarnissamut periarfissakka taamaalillutik annertuumik killilerneqarput periarfissaarutsingajavillunga.
- Kiilerimi ataatsimik arlalinnilluunniit igalaaliiniarlunga kissaateqaruma qulaani inimut atassusilikkamik inissinneqarsinnaanngillat. Aaqqiissuteqarnissamut periarfissakka taamaalillutik annertuumik killilerneqarput periarfissaarutsingajavillunga.

Neriuppunga Kommunimut pilersaarummut tapiliussamut siunnersuut 1A5-2 pillugu qulaani oqaaseqaatigisakka Kommunimut pilersaarummut tapiliussamut siunnersuut 1A5-2, Tuapannguit pillugu inerniliilluni suliaqarnissamut tapertaalluarsinnaasut.

Inussiarnersumik Inuulluaqqusillunga  
Per Hangaard